


Walh de ancha ma alhcha.

Tunkumpalhchalh ma t'alapaxto'palcha ancha an tan ixtalapaxto'ta. A'tamcha ma mach'inipalh ma lanancha ma ixlit'uxami ma lhi'alh, walh akxni ma xta'nipalh.

Walh ixlipu'a't'utu mach'inilh, ma ntucha lhiminicho'olh. Ma ixpujun'alhincha walh. sta chaway an juki chi an skaw ma ntucha lay talapaxto'cho'oy.



Resumen:

Este cuento se trata de un conejo que tenía dos cuernos muy grandes y no podía correr con ellos; pero en una ocasión le salió al encuentro un venado y se los prestó. Entonces el venado se fue a pasear llevándose los dos cuernos. Al atardecer se los devolvió. Después se los prestó por segunda vez, se los devolvió, y la tercera vez ya nunca regresó al lugar donde estaba el conejo.

La'atam wilhchan an skaw ma alh pixiyalhna', ma tsukulhcha exwajin an lakaats'inan. Xli'astan akxni ma la'ts'in ma wanicha mintalh an ma juki, walh ma la'chalhcha ma juni:

—Mu ka aniya t'a'un o'palajcha lapaxto'wi.

Chi mu an skaw ma wanaj laj'ayi xlit'ajun ix'a'alo'ot, pus ma ntu lay ma sawalh ix'an an lakaats'inan, ma wa ixputala'lhuyi akxni ma ixtatants'alay an x'oyun ma wa lasi ixtataymay.

Pus ma juni an juki:



—Ani a'alo'ot jant'u oxi t'at'asuy. Palay oxi kat'atasulh li yu tam ay, mu uxint'i wa lakat'ikt'ikk'at'i xliyu wa sawalh lhit'at'ala'lhuy an a'alo'ot chi an a'alo'ot wanaj la'lhman. li ak'imach'ininka'a, akla'ts'ina li sna oxi akt'atasulh —ma juni.

Wa chuncha ma najun an skaw:

—Ak'ixt'a'nip'ala'a mu wachu ix'achani —ma najun.

Wachuncha an juki ma juni:

—Mu wa tam pants'ik'is akxta'nipalancha wa lasi ak'ilas mach'inin.



Wachuncha ma xta'nilcha. Wachuncha ma yawlhcha an ix'a'alo'ot an skaw an juki. Ma la'ts'in li ma sawalhcha oxi t'atasuy. Mu yucha ma tam ayi an juki. Ma alhcha pupixiyalhna, ma mapixiyalhnicha an a'alo'ot.

Walh ma wa tam aya panche'ex, ma chincho'olhcha. Ma juni:

—Anicha macho'olhi an mi'a'alo'ot. Lhika ak'imach'inip'ala'a —ma juni.